

MEMURANDU

PA: Prizidenti y Menbrus
Kumité Skular di Boston

DI: Dr. Brenda Cassellius
Superintendenti

DATA: kuarta-fera, 26 di Maiu di 2021

DI: Skodja di Skola, Anu letivu 2021-2022

Objetivu des memurandu é sulisita pa ser markadu un audiensia publiku sobri partisipason di Boston na Prugrama Skodja di Skola duranti anu letivu 2021-2022, pa Kuarta fera, 26 di Maiu di 2021. Audiensia publiku debi ser konduzidu antis di riunion di Kumité Skular.

Konformi indikadu na dukumentu en aneksu, Lei di Riforma Idukativu di 1993, altera Lei di Skodja di Skolas di Massachusetts, stabelesendu un prizunson di ki kada kumité skular ta admiti nau rizidentis a abrigo di Prugrama Skodja, a nau ser ki tiver un vutason en kontráriu ti dia 01 di Junhu di kada anu. Lei ta iziji ki ta ser rializadu un audiensia publiku y ki ta ser aprizentadu un rizuluson diklarandu razons pa ritirada di obrigason di skodja di skola komu parti di rizuluson di ka partisipa.

Nos konsiderason di kestons involvidu na disizon di si Boston Public Schools debi partisipa na Skodja di Skola duranti anu letivu di 2021-2022 é baziadu na (1) kestons di atribuisons di alunus, (2) limitasons di spasu, (3) implikasons di kustu, y (4) disizons di kumités skularis na kumunidades vizinhu.

1. Kestons di Atribuisons di Alunus

Nes mumentu, foi prujetadu un inskrison di 52,280 pa anu letivu di 2021-2022. Atualmenti, serka di 51,412 alunus sta matrikuladu na Boston Public Schools . Implikasons pa dizignasons di alunus nau rizidenti na Boston Public Schools é siginti:

- Stórikamenti, duranti mezis di Julhu, Agostu y inisiu di Sitenbru, un grandi numeru di alunus rizidenti na Boston ta kontinua ta buska atribuisons skular. Nos é obrigadu a furnesi un atribuison pa kes alunu.
- Inskrison di nau rizidentis na Boston Public Schools k adebi ten presedensia sobri rizidentis ki, konformi mensiunadu di riba, ta kontinua ta fazi inskrison pa matrikulas skular ti inisiu di Otubru.

2. Implikasons di Spasu

BPS ka podi rizerva un numeru di lugaris pa alunus nau rizidenti na skolas spisifiku o na prugramas spisifiku na inisiu o duranti prusesu di kandidatura/rijistu. Alunus rizidenti ta prienxi un kandidatura y ta furnesi konpruvantis di rizidensia pes podi ser atribuidu. Nos obrigason é pruvidencia lugaris pa rizidentis di sidadi.



Sertus skolas y prugramas é pupular y dimaziadu skodjedu pa rizidentis di Boston. Na nos opinion, nau rizidentis di Boston pruvávelmenti ta djobi vagas na nos prugramas más pupular, tornandu inpusivel pa un grandi numeru di rizidentis di Boston konsigi vaga. Nu prujeta ma kes prugrama ta bai ser totalmenti utilizadus pa rizidentis di Boston.

3. Implikasons di Kustus

Kustus nau orsamentadu ta bai rizultaba di nesesidadi di furnesi rikursus pa nau rizidentis di Boston. Prugramas spesializadu, o seja, idukason spesial (substansialmenti siparadu) y prugramas pa Aprendizis di Lingua Ingleza teni rikizitus obligatóriu di tamanhu di turma o di pesual. Nau rizidentis ki ta kandidata a servisus spesializadu debi risebi us mesmus servisus ki rizidentis. Un ves ki txeu kumunidadi vizinhu ta karesi di servisus y prugramas pa alunus ki ta mesti prugramas spesializadu, nos nau ritirada di Skodja di Skola ta bai rizultaba nun afluksu di alunus di otus kumunidadi ta sulisita vagas na prugramas spesializadu, rizultandu na kustus nau orsamentadu.

4. Disizons di Kumunidadis Vizinhu

Duranti anu letivu di 2020-2021, 151 distritus skular, inkluindu Boston, ka partisipa na Prugrama di Skodja. Nihun di kes kumunidadi ki ta sirkunda Sidadi di Boston partisipa. Ta speradu ma ta kontinuadu ta rikumendadu nau partisipason duranti anu letivu 2021-2022. Faktu di kes kumunidadi vizinhu ka partisipa na Planu di Skodja di Skolas di stadu ta signifika ma alunus di Boston ka ta ser transfiridu pa sistemas skular prósimu, abrindu asi, vagas na skolas di Boston pa nau rizidentis.

5. Rikumendasons:

Ku bazi na atual inskrison na Boston Public Schools, N ta rikumenda pa Kunité Skular vota pa ritirada di partisipason na Planu di Skodja di stadu pa anu letivu di 2021-2022. N ta rikumenda pa es vutason ser rializadu pa Kunité Skular na riunion di Kunité Skular di 26 di Maiu di 2021.

En aneksu bu ta atxa Pariser Konsultivu di Dipartamentu di Idukason sobri prugrama di Skodja di Skolas y un kópia di lei stadual relativu a skodja di skolas. Obrigadu pa nhos atenson pa es asuntu.

Aneksu